

ÁKVÖRÐUN FRAMKVÆMDASTJÓRNARINNAR

frá 24. júní 1996

**um aðferð við staðfestingu á samræmi byggingarvara samkvæmt 2. mgr.
20. gr. tilskipunar ráðsins 89/106/EBE að því er varðar föst
slökkvikerfi(*)**

(Texti sem varðar EES)

(96/577/EB)

**FRAMKVÆMDASTJÓRN EVRÓPUBANDALAGANNA
HEFUR,**

með hliðsjón af stofnsáttmála Evrópubandalagsins,

með hliðsjón af tilskipun ráðsins 89/106/EBE frá 21. desember 1988 um samræmingu á lögum og stjórnslufyrirmælum aðildarríkjanna um byggingarvörur ⁽¹⁾, eins og henni var breytt með tilskipun 93/68/EBE ⁽²⁾, einkum 4. mgr. 13. gr.,

og að teknu tilliti til eftirfarandi:

Þegar staðfesta á samræmi vöru skal framkvæmdastjórnin velja á milli aðferðanna tveggja sem kveðið er á um í 3. mgr. 13. gr. í tilskipun 89/106/EBE og ætíð velja „auðveldustu aðferðina af þeim sem samrýmast öryggissjónarmiðum“. Þetta merkir að nauðsynlegt er að ákveða, með tilliti til ákveðinnar vöru eða vöruflokks, hvort framleiðslustýringarkerfi í verksmiðju, sem framleiðandi ber ábyrgð á, er nauðsynlegt og fullnægjandi skilyrði fyrir staðfestingu á samræmi eða hvort þörf er á afskiptum viðurkennds vottunaraðila af ástæðum sem varða viðmiðanirnar sem um getur í 4. mgr. 13. gr.

Samkvæmt 4. mgr. 13. gr. skal aðferðin, sem þannig er valin, tilgreind í umboðunum og tækniforskriftunum. Því er æskilegt að nota sömu skilgreiningu á hugtakinu vörur eða vöruflokkar og notuð er í umboðunum og tækniforskriftunum.

Aðferðunum tveimur, sem kveðið er á um í 3. mgr. 13. gr., er lýst ítarlega í III. viðauka við tilskipun 89/106/EBE. Því er nauðsynlegt að tilgreina með skýrum hætti, með hliðsjón af III. viðauka, hvernig þessum tveimur aðferðum skuli beitt að því er varðar hverja vöru eða vöruflokk þar eð ákveðin kerfi eru tekin fram yfir önnur í III. viðauka.

Aðferðin sem um getur í a-lið 3. mgr. 13. gr. svarar til kerfanna sem eru tilgreind í fyrsta kosti, án stöðugs eftirlits, og öðrum og þriðja kosti í ii-lið 2. þáttar III. viðauka, og aðferðin sem um getur í b-lið 3. mgr. 13. gr. svarar til kerfanna sem eru tilgreind í i-lið 2. þáttar III. viðauka og í fyrsta kosti í ii-lið 2. þáttar III. viðauka, með stöðugu eftirliti.

Ráðstafanirnar sem kveðið er á um í þessari ákvörðun eru í samræmi við álit fastanefndarinnar um byggingarmál.

SAMÞYKKT ÁKVÖRÐUN ÞESSA:**1. gr.**

Staðfesta skal samræmi vara sem eru tilgreindar í I. viðauka með aðferð þar sem gert er ráð fyrir, til viðbótar við framleiðslustýringarkerfi í verksmiðjunni, sem framleiðandi starfrækir, þátttöku viðurkennds vottunaraðila við mat og eftirlit með framleiðslustýringunni eða vörunni sjálfri.

2. gr.

Í umboðum stöðlunarumboðum er tiltekið hvaða aðferð skuli notuð til að staðfesta samræmi samkvæmt II. viðauka.

3. gr.

Ákvörðun þessari er beint til aðildarríkjanna.

Gjört í Brussel 24. júní 1996.

Fyrir hönd framkvæmdastjórnarinnar,

Martin BANGEMANN

framkvæmdastjóri.

(*) Þessi EB-gerð, sem birtist í Stjttíð. EB nr. L 254, 8. 10. 1996, bls. 44, var nefnd í ákvörðun sameiginlegu EES-nefndarinnar nr. 67/97 frá 4. október 1997 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá þessa útgáfu af EES-viðbæti við Stjórnartíðindi Evrópubandalagsins.

(1) Stjttíð. EB nr. L 40, 11. 2. 1989, bls. 12.

(2) Stjttíð. EB nr. L 220, 30. 8. 1993, bls. 1.

I. VIÐAUKI

BRUNAVIÐVÖRUNAR-/SKYNNJUNARBÚNAÐUR, FASTUR SLÖKKVIBÚNAÐUR, BRUNA- OG REYKSTÝRIBÚNAÐUR OG BÚNAÐUR TIL AÐ KÆFA ÁHRIF SPRENGINGA

- Brunaskynjunar- og brunaviðvörunarkerfi - samstæður: samtengd brunaskynjunar- og brunaviðvörunarkerfi í samstæðum, brunaskynjunarkerfi í samstæðum, brunaviðvörunarkerfi í samstæðum, brunaútkallskerfi í samstæðum.
- Íhlutar brunaskynjunar- og brunaviðvörunarkerfa: reyk-, hita- og eldskynjarar, stjórn- og álestrarbúnaður, beiningarbúnaður viðvörunarsendinga, skammhlaupseinangrarar, viðvörunarbúnaður, aflgjafar, ílags-/frálagstæki, handvirkir boðar.
- Reykskynjarar/brunaboðar sem ganga fyrir rafhlöðum.
- Kæfi- og slökkvikerfi — samstæður: fastar brunaslöngur til fyrstu viðbragða, þurrir og votir brunahanar, úða- og ýringarkerfi í samstæðum, froðuslökkvibúnaður og duftslökkvibúnaður í samstæðum, gasslökkvikerfi (þar með talin kolsýruslökkvikerfi (CO₂)) í samstæðum.
- Íhlutar kæfi- og slökkvikerfa: brunahanar, vatnsflæðisskynjarar/-rofar, þrýstingsskynjarar/-rofar, tengslarofar, greinistykki, slökkvidælur og dælusamstæður, stútar/úðarar/úttök.
- Búnaður til að kæfa áhrif sprenginga - samstæður.
- Íhlutar búnaðar til að kæfa áhrif sprenginga: skynjarar, kæfar, sprengingarnemar, búnaður sem dregur úr áhrifum sprenginga með yfirþrýstingi.
- Bruna- og reykstýribúnaður — samstæður: reyklosunarbúnaður í samstæðum, mismuna-þrýstingskerfi í samstæðum.
- Íhlutar bruna- og reykstýribúnaðar: reykjöld, brunalokur, rásir, aflknúin loftræstitæki, náttúruleg loftræstitæki, stjórnborð, neyðarstjórnborð, aflgjafar.

II. VIÐAUKI

VÖRUFLOKKUR

BRUNAVIÐVÖRUNAR-/SKYNNJUNARBÚNAÐUR, FASTUR SLÖKKVIBÚNAÐUR, BRUNA- OG REYKSTÝRIBÚNAÐUR OG BÚNAÐUR TIL AÐ KÆFA ÁHRIF SPRENGINGA (1/1)

Kerfi til staðfestingar á samræmi

Fyrir þær vörur og þau áformuðu not sem getið er hér á eftir eru Staðlasamtök Evrópu/Rafstaðlasamtök Evrópu (CEN/CENELEC) beðin að tilgreina eftirfarandi kerfi til staðfestingar á samræmi í viðeigandi samhæfðum stöðlum:

Vara/vörur	Áformuð not	Stig eða flokkur/flokkar (Brunaþol) ⁽¹⁾	Kerfi til staðfestingar á samræmi
Uppsetningarsamstæður	Brunavarnir		1 ⁽²⁾
<i>Brunaskynjunar-/brunaviðvörunarbúnaður</i>			
Samtengd brunaskynjunar- og brunaviðvörunarkerfi - samstæður		-	
Brunaskynjunarkerfi - samstæður		-	
Brunaviðvörunarkerfi - samstæður		-	
Brunaútkallskerfi - samstæður		-	
<i>Kæfi- og slökkvikerfi</i>			
Fastar brunaslöngur til fyrstu viðbragða - samstæður		-	
Þurrir og votir brunahanar		-	
Úða- og ýringarkerfi - samstæður		-	
Froðuslökkvibúnaður - samstæður		-	
Duftslökkvibúnaður - samstæður		-	
Gasslökkvikerfi (þar með talin kolsýruslökkvikerfi (CO ₂)) - samstæður		-	
<i>Áhrif sprenginga kæfð</i>			
Búnaður til að kæfa áhrif sprenginga - samstæður		-	
<i>Bruna- og reykstýribúnaður</i>			
Reyklosunarbúnaður - samstæður		-	
Mismunaþrýstingskerfi - samstæður		-	
Reykskynjarar/brunaboðar sem ganga fyrir rafhlöðum		-	
Íhlutar	Brunavarnir		1
<i>Brunaskynjunar-/brunaviðvörunarbúnaður</i>			
Reyk-, hita- og eldskynjarar		-	
Stjórn- og álestrarbúnaður		-	
Beiningarbúnaður viðvörunarsendinga		-	
Skammhlaupseinangrarar		-	
Viðvörunarbúnaður		-	
Aflgjafar		-	
Ílags-/frálagstæki		-	
Handvirkir boðar		-	

Vara/vörur	Áformuð not	Stig eða flokkur/flokkar (Brunaþol) ⁽¹⁾	Kerfi til staðfestingar á samræmi
<i>Föst kæfi- og slökkvikerfi</i>			
Brunahanar		-	
Vatnsflæðisskynjarar/-rofar		-	
Þrýstingskynjarar/-rofar		-	
Tengslarofar		-	
Greinistykki		-	
Slökkvidælur og dælusamstæður		-	
Stútar/úðarar/úttök		-	
<i>Áhrif sprenginga kæfð</i>			
Skynjarar		-	
Kæfar		-	
Sprengingarnemar		-	
Búnaður sem dregur úr áhrifum sprenginga með yfirþrýstingi		-	
<i>Bruna- og reykstýribúnaður</i>			
Reyktjöld		-	
Brunalokur		Sjá grunnskjal nr. 2	
Rásir		Sjá grunnskjal nr. 2	
Aflknúin loftræstitæki		-	
Náttúruleg loftræstitæki		-	
Stjórnborð og neyðarstjórnborð		-	
Aflgjafar		-	

⁽¹⁾ Sjá ákvæði grunnskjals nr. 2 og/eða „Horizontal complement to the mandates in respect of resistance to fire“ (þverlægar viðbætur við umboðin að því er brunaþol varðar).

⁽²⁾ 1. kerfi: Sjá i-lið 2. þáttar í III. viðauka við tilskipun 89/106/EBE, án úttektarprófunar á sýnum.

Forskrifin fyrir kerfið skal þannig úr garði gerð að hægt sé að nota það, jafnvel þegar ekki er þörf á að ákvarða nothæfi tiltekins eiginleika, þar sem ekki hafa verið gerðar neinar lögboðnar kröfur um viðkomandi eiginleika í minnst einu aðildarríki (sjá 1. mgr. 2. gr. tilskipunar 89/106/EBE og, eftir atvikum, lið 1.2.3. í grunnskjölnum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika óski hann ekki eftir að tilgreina nothæfi vörunnar í þeim efnum.